



অবিলম্বে প্রকাশের উদ্দেশ্যে: 6/24/2022

গভর্নর ক্যাথি হোকল

**নিউ ইয়র্ক স্টেটে 25-26 জুন বিনামূল্যে মাছ শিকারের উইকএন্ড পালিত হবে বলে
গভর্নর হোকলের ঘোষণা**

পরিবার ও বন্ধু-বান্ধবদের মাছ শিকারের আনন্দ উপভোগের জন্য উৎসাহিত করা হচ্ছে

গভর্নর ক্যাথি হোকল আজ 25 ও 26 জুন নিউ ইয়র্ক স্টেটে বিনামূল্যে মাছ শিকারের উইকএন্ড পালিত হবে বলে ঘোষণা দিয়েছেন। মাছ শিকারের ক্ষেত্রে অংশগ্রহণ এবং নিউ ইয়র্কে মাছ শিকারের চমৎকার সুযোগ থাকার বিষয়ে সচেতনতা বৃদ্ধি করতে এবং মাছ শিকারের ক্রীড়ার সঙ্গে নতুন মাছ শিকারীদের পরিচয় করিয়ে দেওয়ার জন্য প্রতি বছর স্টেটের নির্ধারিত বিনামূল্যে মাছ শিকারের ছয়টি দিনের মধ্যে দুইটি দিনে এই আয়োজন উদযাপিত হচ্ছে।

"বিনামূল্যে মাছ শিকারের দিনগুলো ব্রুকলিন থেকে বাফেলো পর্যন্ত সব নিউ ইয়র্কবাসীর জন্য প্রথম বারের মতো মাছ শিকারের অভিজ্ঞতা নেওয়ার সুযোগ করে দেয় এবং অভিজ্ঞ মাছ শিকারীদেরকে তাদের অব্যবহৃত ফিশিং রড সঙ্গে নিয়ে বাইরে বের হয়ে আসতে উৎসাহিত করে," বলেছেন **গভর্নর হোকল**। "নিউ ইয়র্ক স্টেট জুড়ে বিদ্যমান মাছ শিকারের সুযোগগুলোর দ্বিতীয় কোনো তুলনা নেই, এবং আমি এই উইকএন্ডে আমাদের স্টেটের বিখ্যাত মাছ শিকারের স্থানগুলোতে বন্ধু-বান্ধব ও পরিবারের সদস্যদের সঙ্গে নিয়ে মাছ শিকারে অংশ নেওয়ার জন্য নিউ ইয়র্কবাসীদেরকে উৎসাহিত করছি।"

নিউ ইয়র্ক স্টেটের পরিবেশ সংরক্ষণ বিভাগের (Department of Environmental Conservation) কমিশনার বাসিলসেগোস বলেন, "স্কুল বর্ষ সমাপ্ত হওয়া এবং গ্রীষ্মকাল এগিয়ে আসার এই সময়ে, বিনামূল্যে মাছ শিকারের উইকএন্ড উদযাপনের জন্য এরচেয়ে ভালো কোনো সময় হতে পারে না। আপনি নিজে এই ক্রীড়ায় ফিরে আসতে আগ্রহী হন অথবা বন্ধু-বান্ধব বা পরিবারকে প্রথমবারের মতো মাছ শিকারের সঙ্গে পরিচয় করিয়ে দিতে চান, যেটিই হোক না কেন, নিউ ইয়র্কের বিনামূল্যে মাছ শিকারের দিনগুলো ঘরের বাইরে বের হওয়ার ও মাছ শিকারে নামার জন্য একটি চমৎকার সুযোগ।"

নবীন মাছ শিকারীদের জন্য, [আই ফিশ NY \(I FISH NY\) স্বাদুপানিতে মাছ শিকারের ক্ষেত্রে নবীনদের জন্য নির্দেশিকা](#) মাছ শিকারের প্রাথমিক বিষয়গুলো যেমন একটি ফিশিং রড রিগ করা, শিকার শনাক্ত করা, এবং মাছ শিকার সংক্রান্ত বিধিমালা অনুধাবন সম্পর্কে তথ্য প্রদান করে থাকে। সংক্ষিপ্ত কিছু ধারাবাহিক ভিডিও নিয়ে তৈরি এই নির্দেশিকার একটি মজার,

ইন্টারঅ্যাকাটিভ সংস্করণ [DEC-এর ইউটিউব \(YouTube\) চ্যানেলে](#) পাওয়া যাবে। DEC-এর [মাছ শিকারের স্থানসমূহ](#) শীর্ষক ওয়েবপেইজগুলো পরবর্তী মাছ শিকারের ট্রিপের পরিকল্পনা করতে প্রস্তুত এমন ব্যক্তিদের জন্য একটি নির্ভরযোগ্য উৎস।

2022 সালে বিনামূল্যে মাছ শিকারের বাকি দিনগুলোর মধ্যে জাতীয় শিকার ও মাছ শিকার দিবস (24 সেপ্টেম্বর) এবং ভেটেরান্স ডে (11 নভেম্বর) অন্তর্ভুক্ত রয়েছে। বিনামূল্যে মাছ শিকারের এসব নির্ধারিত দিনে নিউ ইয়র্কের অধিবাসী ও অ-অধিবাসীরা মাছ শিকারের কোনো লাইসেন্স ছাড়াই বিনামূল্যে মাছ শিকারের অনুমতি পেয়ে থাকেন। বিনামূল্যে মাছ শিকার দিবসে অংশগ্রহণকারীদের মনে করিয়ে দেওয়া হচ্ছে যে, যদিও বিনামূল্যে মাছ শিকারের দিনগুলোতে মাছ শিকারের লাইসেন্স থাকার বাধ্যবাধকতা থাকে না, মাছ শিকারের অন্যান্য বিধিমালা কার্যকর থাকবে। মাছ শিকারের বিধিমালা সম্পর্কে আরো তথ্যের জন্য এখানে যান <https://www.dec.ny.gov/outdoor/7917.html>.

এছাড়াও DEC বছর জুড়ে বিনামূল্যে ফিশিং ক্লিনিক অফার করে থাকে। মাছ শিকারের আনন্দ উপভোগ করার পাশাপাশি, অংশগ্রহণকারীরা মাছ শনাক্তকরণ, মাছ শিকারের সরঞ্জাম ও কলাকৌশল, ফিশারিজ ব্যবস্থাপনা, মাছ শিকারের নৈতিক দিকসমূহ, জলজ বাস্তুসংস্থান, এবং আরো অনেক কিছু সম্পর্কে জানতে পারেন। এসব ক্লিনিক চলাকালীন সময়ে স্বাদু পানিতে মাছ শিকার করার লাইসেন্স অথবা চিত্তবিনোদনমূলক সামুদ্রিক মাছ শিকারের রেজিস্ট্রিতে তালিকাভুক্তি আবশ্যিক হয় না, কিন্তু স্টেটব্যাপী মাছ শিকারের অন্য সব বিধিমালা কার্যকর থাকবে। ফিশিং ক্লিনিকগুলোর তালিকার জন্য এখানে যান: <https://www.dec.ny.gov/outdoor/27123.html>

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418